

Trahadornan di telecomunicacion a vota masalmente pa promé directiva

ORANJESTAD - Despues di e eleccion ayera pa e promé directiva di Sindicato pa Trahadornan den Telecomunicacion, por bisa cu e sindicato aki tambe tin mayoría di trahadornan den telecomunicacion afiliá na e sindicato aki.

Ayera noch Bon Dia Aruba a combersá cu sr. M. Brinkenberg, kende tabata presidente di e comision electoral y el a muestra su satisfaccion pa e manera cu cos a bai.

Un total di 395 persona (incluyendo gerencia) den telecomunicacion. Miembronan cu derecho di voto tabata 247, aunke esnan cu presentá e momento ey pa bira miembro por vota mesora tambe. Y a presentá algun caso tambe a vera.



Na final di conteo, a resultá 208 persona a vota di cual solamente 1 voto no tabata válido. Esnan cu a haya mas voto tabata Sabino Boekhoudt pa presidente (97); Aegidio Kelly pa Secretario (97 voto); Nicasio Bremo como Tesorero (122 voto) y Comisario cu mas hopi voto tabata Eric Donata (73). Lesley Burke a bira vice presidente; Mickel Croes, 2do secretario; Jaime Dirksen, 2do Tesorero. E votacion a cuminsá pa 12'or di merdía y a sera pa exáctamente 5'or di atardi. Pa 8'or di anochi a caba di conta e votonan.

Tabata por a vota na e edificio di administracion na Seroe Blanco; Edificio di Buitendienst y e edificio den Hendrikstraat. Ademas tabatin un mobil cu a pasa na e tele-shopnan; na Postkantoor y telegram na San Nicolas.